

Broj: 01-02-1394/24
Sarajevo, 02.07.2024. godine

Z A P I S N I K

12. REDOVNE SJEDNICE PREDSTAVNIČKOG DOMA PARLAMENTA FEDERACIJE BIH, održane 26.06.2024. godine

Sjednica je počela u 11.11.

Sjednicom je predsjedavao predsjedavajući Dragan Mioković.

Predsjedavajući Mioković pozdravio je zastupnice i zastupnike, goste kao i predstavnike akreditiranih medijskih kuća koji prate rad sjednice.

Sa sjednice izostanak su opravdali: Ilda Alibegović, Mirza Batalović, Haris Silajdžić i Begajeta Čaušević.

Intonirana je himna Bosne i Hercegovine.

Zapisnik 10. redovne sjednice usvojen je bez primjedbi.

Zastupnička pitanja

Mahir Mešalić pitanje je uputio predsjedavajućem i dopredsjedavajućem – kada će podnijeti ostavku, jer je, kako je naveo, predsjedavajući na to mjesto došao političkom trgovinom vezano za izbor sudije Ustavnog suda, te naveo da je stiglo mišljenje Venecijanske komisije po tom pitanju.

Također, pita predsjedavajućeg ko je učestvovao u izradi Etičkog kodeksa zastupnika.

Salko Zildžić pitanje je uputio Federalnom ministarstvu finansija, te traži da mu se dostave podaci o zaduživanju Vlade Federacije BiH u posljednje dvije godine, sa uporednim podacima sa 2021. i 2022. godinom, a u kontekstu balansiranja prihodovne i rashodovne strane Budžeta FBiH. Također, traži da mu se dostave podaci iz kojih izvora se zaduživalo, po kojim stopama, na koji period dospijeća.

Sanel Kajan pitanje je uputio JP Željeznice Federacije BiH – Koliko je sigurna pruga koju koriste Željeznice Federacije BiH? U kakvom je stanju prateća infrastruktura? Zašto vozove s talgo vagonima vuku stare lokomotive? Traži finansijski izvještaj sa jasnim pokazateljima gdje su utrošeni milioni konvertibilnih maraka. Zašto vozovi Željeznica Federacije BiH u posljednje vrijeme sve češće kasne u voznom redu? Ko vrši i da li se vrši sanitarni nadzor nad vozovima? Koliko često se kontrole provode i šta tačno obuhvataju? Koliko često se vrši čišćenje perona i stepenica na željezničkim stanicama? Zašto u večernjim satima peroni nisu osvijetljeni? Na koji način je reagovano zbog svakodnevnog prisustva džeparoša? Šta je s liftovima koji su nepohodni osobama koja koriste kolica, kao i onima koji ne mogu nositi teške kofere? Zbog čega se vozne karte još izdaju na način kako je to bilo u prošlom vijeku? Kazao je da čeka odgovor od Federalnog ministarstva pravde, odnosno od Upravnog inspektorata na pitanja koja je postavio prije nekoliko mjeseci.

Mario Karamatić komentirao je odgovor koji je dobio na pitanje postavljeno Federalnom ministarstvu poljoprivrede.

Također, traži odgovor od JP Autocesta Federacije na pitanje koje je postavio 28.05. tekuće godine.

Traži od premijera Nikšića da mu odgovori na ranije postavljena pitanja.

Amir Ibrović pitanje je uputio Federalnom ministarstvu prostornog uređenja, vezano za izradu Regulacionog plana historijskog urbanog krajolika Mostara, te zašto ministarstvo spriječava obnovu i rehabilitaciju ruševina u istočnom dijelu Mostara, zašto investitorima koji su osigurali novac za rekonstrukciju objekata ili novu gradnju se godinama onemogućava djelovanje, pozivajući se na rješavanje tzv. prethodnog pitanja. Zašto se navode investitori, koji su protiv nezakonitih akata pokrenuli upravni spor prevarnim i ucjenjivačkim radnjama na povlačenje tužbi, a onda ih se nastavlja obmanjivati bez mogućnosti sudske zaštite.

Mirjana Marinković-Lepić ponovo je pitanje uputila ministru pravde, a vezano za Zakon o logorašima, te pita ministra zašto nakon godinu dana taj Zakon nije u parlamentarnoj proceduri.

Damir Nikšić upućuje poziv ispred Kluba zastupnika Naša stranka svima, kako bi se izradio tekst rezolucije koja bi se uputila Parlamentarnoj skupštini BiH i OHR-u da se državna imovina pretvori u zaštićena prirodna područja, te naglasio važnost teksta ovakve rezolucije.

Amir Purić kazao je da nije dobio odgovor na pitanje vezano za Zakon o spriječavanju sukob interesa i o zaštiti prijavitelja korupcije.

Postavio je pitanje - kada se može u parlamentrnoj proceduri očekivati set fiskalnih zakona.

Goran Opsenica pitanje je uputio Vladi Federacije BiH, te kazao da je Odbor za zdravstvo uputio Inicijativu za postepeno pokretanje aktivnosti na prevenciji i ranom otkrivanju zloćudnih bolesti, uspostavom federalnog programa ranog otkrivanja raka dojke. Kazao je da je izrađen i Program ranog otkrivanja raka dojke koji bi obuhvatio cca 350 hiljada žena najrizičnijih grupa i pita Vladu - zašto ne odgovori na inicijativu Odbora.

Almedin Aliefendić pitanje je uputio Federalnom zavodu za programiranje razvoja – kada će objaviti Godišnji izvještaj o socio-ekonomskim pokazateljima po općinama u Federaciji BiH i traži da se taj izvještaj dostavi svim zastupnicima.

Pokrenuo je inicijativu prema Uredu za reviziju institucija Federacije BiH za uvrštavanje u plan revizije Budžeta Općine Kakanj javnih preduzeća Vodokom i Grijanje Kakanj.

Jasmina Bišćević - Tokić pokrenula je tri inicijative prema Vladi FBiH – Prvom inicijativom traži da se objavi registar javnih funkcija u javnom sektoru u Federaciji BiH, sa podacima o platama, naknadama, pokretnoj i nepokretnoj imovini, prihodima od finansijskog kapitala, autorskih prava i finansijskih obaveza prema drugim licima, drugim imenovanjima i poklonima.

Naredna inicijativa tiče se objave Registra zaposlenih u javnom sektoru u Federaciji BiH a u cilju osiguranja veće transparentnosti rada Vlade FBiH.

Posljednjom inicijativom traži objavu Registra zaključenih ugovora o djelu u javnom sektoru u Federaciji BiH u periodu 2022. godina do 2024. godina, u cilju osiguranja veće transparentnosti.

Admir Čavalić prvo pitanje uputio je Federalnom ministarstvu finansija – da li Federacija planira značajna jednostrana zaduženja u ovoj godini i ako planira, pod kojim uslovima, zašto, u koju svrhu i u kojim iznosima.

Koliko je koštao kreditni rejting koji smo ostvarili kod Agencije Standard and Poors, koliko je to plaćeno od strane Federalnog ministarstva finansija.

Da li će Vlada FBiH uputiti u parlamentarnu proceduru, kako je obećala Zakon o južnoj interkonekciji.

Pita Vladu FBiH kada će dostaviti nacрте fiskalnih zakona.

Pitanje je uputio i vezano za Uredbu o jednokratnoj pomoći, te koliko zaposlenika je dobilo iznos od 2.550 konvertibilnih maraka. Ponovo upućuje inicijativu da se od 01.07. obnovi Uredba po ovom pitanju.

Posljednje pitanje uputio je Federalnom ministarstvu okoliša i turizma - da li prate aktivnosti u vezi Rudnika litija Lopare, da li vode neke studije u vezi eventualnih negativnih efekata po stanovnike Tuzle, odnosno Općine Čelić.

Mirza Čelik prvo pitanje uputio je Vladi FBiH, a vezano za planiranje fiskalnih zakona za ovu godinu, koje konkretne zakonske mjere su planirali implementirati kako bi poboljšali fiskalnu politiku i smanjili javni dug i osigurali stabilnost budžeta, te traži i analizu plana zaduživanja za tekuću godinu.

Traži da mu se dostavi kompletna informacija o izgradnji tunela Hranjen, zašto dolazi do zastoja u izgradnji, da li se ima dovoljno sredstava, da li su to inostrana zaduženja koja se trebaju implementirati u ovoj kalendarskoj godini.

Treće pitanje uputio je predsjedavajućem Doma, obzirom da je zastupnik Čelik kao član Etičke komisije dostavio nekoliko prijedloga, zaključaka i informacija prema Parlamentu FBiH, zašto se to ne stavlja na dnevni red.

Melika Mahmutbegović pitanja je uputila predsjednici i potpredsjednicima Federacije i predsjedavajućem Doma naroda Parlamenta FBiH - u kojoj fazi je postupak izbora jednog

sudije u Ustavni sud Federacije BiH, obzirom da je sudija u Ustavnom sudu Kata Senjak stekla uslove za penziju i da je konkursna procedura okončana? Da li je akt – prijedlog kandidata za Ustavni sud Federacije BiH usvojen na sjednici VSTV-a koja je održana u decembru 2022. godine, koji je VSTV dostavio predsjedniku u naknadno potpredsjednicima Federacije BiH upućenu Domu naroda u skladu sa Ustavom Federacije BiH i ako nije, koji su razlozi za to; Da li postoje prepreke ili opstrukcije na strani predsjednice i dva potpredsjednika Federacije BiH, kojim se Dom naroda sprječava da izvrši svoju ustavnu dužnost izbora sudije Ustavnog suda Federacije BiH.

Marijana Hrvić-Šikuljak kazala je, obzirom da je imenovan novi sastav FERK-a, da li će doći do poskupljenja struje u Federaciji BiH.

Pokrenula je inicijativu za izmjene i dopune Zakona o krivičnom postupku Federacije BiH, kojom se uređuje rad advokata po službenoj dužnosti.

Azra Okić pokrenula je inicijativu prema Federalnom ministarstvu zdravstva, kojom traži izmjenu Zakona o zdravstvenoj zaštiti čime bi se plaća za vrijeme bolovanja onkološkim pacijentima isplaćivala 100%.

Bisenija Mušedinović, sa kolegicom Editom Mazić pokreće inicijativu prema Vladi FBiH i Federalnom ministarstvu zdravstva i Zavodu zdravstvenog osiguranja, kojim traže pokretanje aktivnosti u saradnji sa kantonalnim zavodima zdravstvenog osiguranja na dopuni Zakona o zdravstvenoj zaštiti, kako bi se normirala i primarna i sva ostala neophodna zdravstvena zaštita žrtvama nasilja u porodici.

Amra Kaljić - Junuzović isred Kluba, pokrenula je inicijativu za izmjene i dopune Zakona o radu, te dala obrazloženje.

Pitanje je uputila Federalnom ministarstvu zdravstva, kojom traži informaciju vezanu za Strateški plan i razvoj zdravstva u Federaciji BiH za tekuću i naredne godine.

Ivica Šarić pokrenuo je inicijativu za poduzmanje radnji na otklanjanju tehničkih nedostataka, kako bi se naredne sjednice mogle održavati nesmetano.

Indira Omeragić pokrenula je inicijativu prema Vladi FBiH, da se hitno otvore granični prijelazi za izvoz prema EU robe koja podliježe fito sanitarnim i veterinarskim pregledima.

Slaven Raguž pokrenuo je inicijativu ministru za pitanja boraca, kojim traži da se izvrši nadzor utroška sredstava Projekta obnova, sanacija, revitalizacija i luminacija partizanskog spomen obilježja Mostar u vrijednosti od oko 190 hiljada konvertibilnih maraka, koje je provodila Agencija za Stari Grad a odobren Odlukom Vlade FBiH i transferom ministarstva.

Hakija Bošnjaković pitanja je uputio JP Ceste FBiH, a vezano za magistralnu cestu M-17, na području Zeničko-dobojskog i Tuzlanskog kantona - postoji li vremenski okvir kada će ta dionica biti rekonstruirana u cjelosti i koji su konkretni koraci. Također, po pitanju brze ceste Žepče-Tuzla traži informaciju po pitanju izgradnje te ceste, postoji li vremenski okvir kada će započeti radovi na toj dionici, dokle se došlo sa prethodnim fazama pripreme i kada se može očekivati početak eksproprijacije nekretnina duž te dionice.

Ajla Milišić-Pepić dva pitanja uputila je Kliničkom centru Univerziteta u Sarajevu – koliko često na godišnjem nivou otvaraju sandučice za prijavu korupcije i kritike i pohvale, te ko ima uvid u pristigle prijave. Koliko prijava su zaprimili vezano za akušersko nasilje i prijavu korupcije od 2023. godine. Koliko je od tog broja provjereno i prijavljeno nadležnim organima. Koji su investicijski planovi Elektroprivrede BiH u oblasti solarne energije za narednih pet godina.

Pokrenula je inicijativu, da se na mostovima u sklopu željezničke pruge sa prioritetom na mostu kod bradinske rampe ponovo postave vodilice koje štite od prevrtanja voza.

Kenela Zuko pitanje je uputila vezano za način rada Administrativne komisije – kako to da se ova Komisija saziva pred sjednicu, zašto se na sjednice ne poziva sekretar Doma, također traži da se zastupnicima dostavi Odluka o načinu rada ove Komisije.

Prešlo se na utvrđivanje dnevnog reda.

U raspravi o izmjenama i dopunama dnevnog reda učestvovali su: Alma Kratina, Salko Zildžić, Mahir Mešalić, Mirza Čelik, Jasmina Bišćević-Tokić, Damir Mašić i Haris Šabanović.

Prijedlog Vlade FBiH da se na današnjoj sjednici razmatra Prijedlog Zakona o izmjenama i dopunama Zakona o prostornom planiranju i korištenju zemljišta na nivou Federacije BiH, nije usvojen (47 glasova za, 24 glasa protiv i tri uzdržana glasa).

Prijedlog Kluba zastupnika SDA da se u dnevni red uvrsti tačka Prijedlog Zakona o plinovodu Južna interkonekcija BiH i Republika Hrvatska, na osnovu pojedinačnog izjašnjavanja nije usvojen (35 glasova za, 16 glasova protiv i 34 uzdržana glasa).

Prijedlog Komisije za ravnopravnost spolova, da se u dnevni red uvrsti Informacija sa proširene vanredne sjednice Komisije za ravnopravnost spolova Predstavničkog doma, usvojen je sa 51 glasom za, tri glasa protiv i 21 uzdržani glas.

Prijedlog zastupnika Mešalića i Čelika da se sa dnevnog reda skine tačka - Nacrt Kodeksa ponašanja zastupnika u Predstavničkom domu Parlamenta FBiH nije usvojen (32 glasa za, 36 glasova protiv i devet uzdržanih glasova).

Sa 55 glasova za, osam glasova protiv i 14 uzdržanih glasova, usvojen je sljedeći:

D N E V N I R E D

1. Prijedlog Zakona o Gradu Novi Travnik – skraćeni postupak,
2. Prijedlog Zakona o izmjenama i dopunama Zakona o upravljanju otpadom – skraćeni postupak,
3. Prijedlog Zakona o izmjenama i dopunama Zakona o materijalnoj podršci porodicama s djecom u Federaciji BiH,
4. Nacrt Zakona o zaštiti prava na pravično suđenje u razumnom roku,
5. Nacrt Zakona o socijalnim uslugama u Federaciji BiH,
6. Nacrt Zakona o posredovanju u zapošljavanju i socijalnoj sigurnosti nezaposlenih osoba,
7. Nacrt Zakona o građanskoj inicijativi i zaštiti građana i aktivista Federacije BiH, predlagači: Damir Nikšić i Sanela Klarić,
8. Nacrt Programa rada Predstavničkog doma Parlamenta Federacije BiH za 2024. godinu,
9. Nacrt Kodeksa ponašanja zastupnika u Predstavničkom domu Parlamenta Federacije BiH,
10. Prijedlog Odluke o pristupanju izradi Zoning plana urbanog područja Kulen Vakuf-Klisa za period od 10 godina,
11. Prijedlog Odluke o pristupanju izradi Zoning plana urbanog područja Martin Brod za period od 10 godina,
12. Godišnji izvještaj o rezultatima aktivnosti Institucije ombudsmena za ljudska prava Bosne i Hercegovine za 2023. godinu,
13. Informacija o vanjskom i unutrašnjem dugu u Federaciji BiH na dan 31.12.2022. godine,
14. a) Izvještaj o zaduženju Federacije BiH po osnovu emisije obveznica (aukcija 5.9.2023. godine – 5 Y – 40 mil.)
b) Izvještaj o zaduženju Federacije BiH po osnovu emisije obveznica (aukcija 26.9.2023. godine – 7 Y – 40 mil.)
c) Izvještaj o zaduženju Federacije BiH po osnovu emisije obveznica (aukcija 30.10.2023. godine – 6Y – 30 mil.)
d) Izvještaj o zaduženju Federacije BiH po osnovu emisije obveznica (aukcija 17.10.2023. godine – 5 Y – 30 mil.)
15. Zaključci Odbora za boračka i invalidska pitanja,
16. Informacija sa proširene vanredne sjednice Komisije za ravnopravnost spolova Predstavničkog doma Parlamenta FBiH,
17. Izbori i imenovanja.

1. **Prijedlog Zakona o Gradu Novi Travnik – skraćeni postupak,**

Prijedlog Zakona utvrdila je Vlada FBiH.

Prijedlog Zakona razmatrala su nadležna radna tijela i dostavila izvještaje.

Ispred Komisije za lokalnu samoupravu obrazlagao je Salko Zildžić.

Ispred Odbora za pravdu i opću pravu obrazlagao je Adnan Efendić.

Prije otvaranja pretresa, predsjedavajući je, na osnovu člana 172. stav 3. Poslovnika kazao da se ne radi o složenom i obimnom Prijedlogu Zakona, te pozvao zastupnike da se izjasne hoće li će se razmatrati po skraćenom postupku, a što je sa 53 glasa za, 20 glasova protiv i tri uzdržana glasa usvojeno.

Vlada FBiH dostavila je amandman koji je postao sastavni dio Prijedloga zakona: U članu 7. stav (3) Prijedloga Zakona o Gradu Novi Travnik riječi: „Ustavom Hercegovačko-neretvanskog kantona“, mijenjaju se sa riječima: „Ustavom Srednjobosanskog kantona.

U raspravi su učestvovali: Sanel Kajan, Bajro Makić, Admir Čavalić, Mahir Mešalić, Alija Jusić, Siniša Dukić, Eldar Čomor, Amir Purić, Marijan Marjanović, Melika Mahmutbegović, Salko Zildžić, Mario Karamatić i resorni ministar.

2. Prijedlog Zakona o izmjenama i dopunama Zakona o upravljanju otpadom – skraćeni postupak

Prijedlog Zakona utvrdila je Vlada FBiH.

Prijedlog Zakona razmatrala su nadležna radna tijela i dostavila izvještaje.

Ministrica Pozder dala je dodatno obrazloženje.

Ispred Odbora za prostorno uređenje, stambeno-komunalnu politiku, ekologiju i turizam obrazlagao je Nijaz Helez.

Prije otvaranja pretresa, predsjedavajući je, na osnovu člana 172. stav 3. Poslovnika kazao da se ne radi o složenom i obimnom Prijedlogu Zakona, te pozvao zastupnike da se izjasne hoće li će se razmatrati po skraćenom postupku, a što je sa 53 glasa za, dva glasa protiv i tri uzdržana glasa usvojeno.

U raspravi su učestvovali: Miralem Galijašević, Adnan Efendić, Admir Čavalić, Slaven Raguž, Marijan Marjanović, Amir Ibrović, Mara Đukić, Kristina Šimović i ministrica Pozder.

3. Prijedlog Zakona o izmjenama i dopunama Zakona o materijalnoj podršci porodicama s djecom u Federaciji BiH,

Prijedlog Zakona utvrdila je Vlada FBiH.

Prijedlog Zakona razmatrala su nadležna radna tijela i dostavila izvještaje.

Ispred Vlade FBiH dodatno obrazloženje dao je ministar Delić.

Ispred Komisije za pitanja mladih obrazlagao je Amir Purić.

Ispred Odbora za rad i socijalnu zaštitu obrazlagao je Fuad Abaspahić.

Klub zastupnika HDZ BiH–HNS predložio je amandman kojeg je Vlada FBiH prihvatila: Član 4. mijenja se i glasi: „U članu 12. stav (2) mijenja se i glasi: (2) Bez obzira na prihode po članu porodice, pravo na dječji dodatak ostvaruje i dijete koje je, u skladu s propisima iz oblasti zaštite lica s invaliditetom, ostvarilo pravo na dodatak za njegu i pomoć drugog lica prve i druge grupe, kao i dijete oboljelo od malignih bolesti.“

U raspravi su učestvovali: Salko Zildžić, Melika Mahmutbegović, Kenela Zuko, Ajla Milišić-Pepić, Marijan Marjanović, Admir Čavalić, Amir Purić Amra Kaljić-Junuzović i ministar Adnan Delić.

4. Nacrt Zakona o zaštiti prava na pravično suđenje u razumnom roku,

Nacrt Zakona utvrdila je Vlada FBiH.

Nacrt Zakona razmatrala su nadležna radna tijela i dostavila izvještaje.

Ispred Vlade FBiH dodatno obrazloženje dao je ministar Škobić.

U raspravi su učestvovali: Salko Zildžić, Mirjana Marinković-Lepić, Mahir Mešalić i ministar Škobić.

5. Nacrt Zakona o socijalnim uslugama u Federaciji BiH,

Nacrt Zakona utvrdila je Vlada FBiH.

Nacrt Zakona razmatrala su nadležna radna tijela i dostavila izvještaje.

Ispred Vlade FBiH dodatno obrazloženje dao je ministar Delić.

U raspravi su učestvovali: Dennis Gratz, Alma Kratina, Mirjana Marinković-Lepić, Mahir Mešalić, Marija Kikaš, Admir Čavalić i ministar Adnan Delić.

6. Nacrt Zakona o posredovanju u zapošljavanju i socijalnoj sigurnosti nezaposlenih osoba,

Nacrt Zakona utvrdila je Vlada FBiH.

Nacrt Zakona razmatrala su nadležna radna tijela i dostavila izvještaje.

Ispred Vlade FBiH dodatno obrazloženje dao je ministar Delić.

Ispred Odbora za ekonomsku i finansijsku politiku obrazlagao je Admir Čavalić.

U raspravi su učestvovali: Ajla Milišić-Pepić, Kristina Šimović, Admir Čavalić, Mahir Mešalić, Eldar Čomor, Kadrija Hodžić, Safet Omerović, Hajrudin Žilić, Adnan Efendić, i ministar Delić.

7. Nacrt Zakona o građanskoj inicijativi i zaštiti građana i aktivista Federacije BiH, predlagači: Damir Nikšić i Sanela Klarić,

Nacrt Zakona utvrdili su zastupnici Nikšić i Klarić.

Nacrt Zakona razmatrala su nadležna radna tijela i dostavila izvještaje.

Ispred predlagača dodatno obrazloženje dao je zastupnik Nikšić.

U raspravi niko nije učestvovao.

Pauza pola sata.

Nakon pauze, prešlo se na rad po narednoj tački dnevnog reda.

8. Nacrt Programa rada Predstavničkog doma Parlamenta Federacije BiH za 2024. godinu,

Nacrt Programa rada utvrdio je Kolegij Doma.

Nacrt Programa rada razmatrala su nadležna radna tijela i dostavila izvještaje.

U raspravi je učestvovao Admir Čavalić.

9. Nacrt Kodeksa ponašanja zastupnika u Predstavničkom domu Parlamenta Federacije BiH,

Nacrt Kodeksa izradila je Radna grupa.

Nacrt Kodeksa razmatrala su nadležna radna tijela i dostavila izvještaje.

Ispred Radne grupe dodatno obrazloženje dala je Delfa Dejanović.

U raspravi su učestvovali: Ivica Šarić, Mirza Čelik, Hajrudin Žilić, Admir Čavalić, Ajla Milišić-Pepić, Asim Kamber, Alma Kratina, Mahir Mešalić, Marijan Marjanović, Mario Karamatić, Damir Mašić, Jasmina Bišćević-Tokić, Salko Zildžić i Edina Gabela.

10. Prijedlog Odluke o pristupanju izradi Zoning plana urbanog područja Kulen Vakuf-Klisa za period od 10 godina,

Prijedlog Odluke dostavila je Vlada FBiH.
Prijedlog Odluke razmatrala su nadležna radna tijela i dostavila izvještaje.
Predstavnik Vlade FBiH dao je dodatno obrazloženje.
Ispred nadležnog odbora obrazlagao je Nijaz Helez.
U raspravi niko nije učestvovao.

11. Prijedlog Odluke o pristupanju izradi Zoning plana urbanog područja Martin Brod za period od 10 godina,

Prijedlog Odluke dostavila je Vlada FBiH.
Prijedlog Odluke razmatrala su nadležna radna tijela i dostavila izvještaje.
Predstavnik Vlade FBiH dao je dodatno obrazloženje.
Ispred nadležnog odbora obrazlagao je Nijaz Helez.
U raspravi je učestvovao Adnan Efendić.

12. Godišnji izvještaj o rezultatima aktivnosti Institucije ombudsmena za ljudska prava Bosne i Hercegovine za 2023. godinu,

Godišnji izvještaj dostavila je Institucija ombudsmena.
Predstavnicu Institucije ombudsmena dala je dodatno obrazloženje.
Ispred Komisije za zaštitu ljudskih prava i sloboda obrazlagao je Mirsad Čamdžić.
U raspravi su učestvovali: Jasmina Bišćević – Tokić, Alma Kratina, Hajrudin Žilić i Melika Mahmutbegović.

13. Informacija o vanjskom i unutrašnjem dugu u Federaciji BiH na dan 31.12.2022. godine,

Informaciju je dostavila Vlada FBiH.
Ispred Vlade FBiH dodatno obrazloženje dao je Edin Šahinović.
U raspravi niko nije učestvovao.

- 14. a) Izvještaj o zaduženju Federacije BiH po osnovu emisije obveznica (aukcija 5.9.2023. godine – 5 Y – 40 mil.)**
b) Izvještaj o zaduženju Federacije BiH po osnovu emisije obveznica (aukcija 26.9.2023. godine – 7 Y – 40 mil.)
c) Izvještaj o zaduženju Federacije BiH po osnovu emisije obveznica (aukcija 30.10.2023. godine – 6Y – 30 mil.)
d) Izvještaj o zaduženju Federacije BiH po osnovu emisije obveznica (aukcija 17.10.2023. godine – 5 Y – 30 mil.)

Izvještaj je dostavila Vlada FBiH.
Izvještaj su razmatrala nadležna radna tijela i dostavila izvještaje.
U raspravi niko nije učestvovao.

15. Zaključci Odbora za boračka i invalidska pitanja,

Odbor za boračka i invalidska pitanja dostavio je zaključke, koji glase:

1. Predstavnički dom Parlamenta Federacije BiH predlaže Vladi Federacije BiH i resornom Ministarstvu da po skraćenoj proceduri predlože Parlamentu Federacije BiH izmjene člana 1. Zakona o posebnim pravima dobitnika ratnih priznanja i odlikovanja i članova njihovih porodica („Službene novine Federacije BiH“, broj: 70/05, 9/10, 90/17, 29/22), gdje se prekluzivni rok briše.

2. Predstavnički dom Parlamenta Federacije BiH poziva Vladu Federacije BiH da u roku od 30 dana donese Uredbu o utvrđivanju kriterija, načinu i postupcima za dodjelu Medalje otpora.
3. Predstavnički dom Parlamenta Federacije BiH poziva Vladu Federacije Bosne i Hercegovine da u što kraćem roku a najduže 60 dana u parlamentarnu proceduru uputi izmjenu i dopunu Zakona o prijevremenom povoljnijem penzionisanju boraca odbrambeno-oslobodilačkog rata na način da iz postojećeg Zakona se briše član 14. stav 3., odnosno da se ukloni rok od 1.12.2013. godine kao rok za podnošenje zahtjeva.
4. Predstavnički dom Parlamenta Federacije BiH poziva Vladu Federacije BiH da formira komisiju čiji bi sastav činili članovi Odbora za boračka i invalidska pitanja Predstavničkog doma Parlamenta FBiH, predstavnici Ministarstva za pitanje boraca i invalida odbrambeno-oslobodilačkog rata, te predstavnici Saveza boraca FBiH, Saveza HVO i Kamp branitelja. Ova komisija bi imala zadatak pripremiti izmjene i dopune Zakona o pravima demobilisanih boraca i članova njihovih porodica („Službene novine Federacije BiH“, broj: 54/19 i 29/22) u dijelu koji se odnosi na uspostavljanje boračkog dodatka, s ciljem da Zakon bude u potpunosti provodiv.

Ispred Odbora dodatno obrazloženje dala je Amra Kaljić-Junuzović.

U raspravi su učestvovali: Hajrudin Žilić i Mahir Mešalić.

Pauza pola sata, kako bi se sastao Odbor za boračka i invalidska pitanja.

Nakon pauze, Mario Karamatić kazao je da nije bio pozvan na sjednicu Odbora. Također tražio je da se konstatira u Zapisniku: „da je pravo na rad zastupniku Karamatiću u Predstavničkom domu grubo prekršeno i da su njegova prava grubo ugrožena. Ja sam prisegnuo na Ustav Federacije da ću obavljati svoju dužnost, ja na sjednici nisam bio, zato sam se ispričao zbog ranije preuzetih obaveza, sada sam ovdje bio prisutan i pravo i obaveza predsjednice je da me pozove na sjednicu Odbora čiji sam član, ja nisam bio pozvan.“ Traži da se zapisnički konstatira ova izjava.

U raspravi su učestvovali: Mahir Mešalić, i ispred boraca Hamza Krkalić.

16. Informacija sa proširene vanredne sjednice Komisije za ravnopravnost spolova Predstavničkog doma Parlamenta FBiH,

Informaciju je dostavila Komisija za ravnopravnost spolova.

Ispred Komisije Alma Kratina dala je dodatno obrazloženje.

Ispred Vlade FBiH obrazlagao je ministar Škobić.

U raspravi niko nije učestvovao.

Pod tačkom 17. Izbori i imenovanja, nije bilo materijala za razmatranje.

Prije nego se krenulo sa izjašnjavanjem po tačkama dnevnog reda, izvršena je prozivka pristinih zastupnika u sali.

Konstatovano je da sjednici prisustvuje 82 zastupnika.

1. Prijedlog Zakona o Gradu Novi Travnik – skraćeni postupak,

Sa 59 glasova za, sedam glasova protiv i 11 uzdržanih glasova, usvojen je Prijedlog Zakona o Gradu Novi Travnik.

2. Prijedlog Zakona o izmjenama i dopunama Zakona o upravljanju otpadom – skraćeni postupak

Sa 79 glasova za, bez glasova protiv i bez uzdržanih glasova, usvojen je Prijedlog Zakona o izmjenama i dopunama Zakona o upravljanju otpadom.

3. Prijedlog Zakona o izmjenama i dopunama Zakona o materijalnoj podršci porodicama s djecom u Federaciji BiH,

Sa 71 glasom za, bez glasova protiv i pet uzdržanih glasova, usvojen je Prijedlog Zakona o izmjenama i dopunama Zakona o materijalnoj podršci porodicama s djecom u Federaciji BiH.

Komisija za pitanja mladih predložila je zaključak u vezi ove tačke dnevnog reda koji nije usvojen – brisanje u članu 2. stav (3) tačke e), (31 glas za, dva glasa protiv i 18 uzdržanih glasova).

4. Nacrt Zakona o zaštiti prava na pravično suđenje u razumnom roku

Sa 68 glasova za, dva glasa protiv i jedan uzdržani glas, usvojen je sljedeći:

Z A K L J U Č A K

Predstavnički dom Parlamenta FBiH prihvata Nacrt Zakona o zaštiti prava na pravično suđenje u razumnom roku, te smatra da može poslužiti kao osnova za izradu Prijedloga zakona.

Zadužuje se predlagač da organizuje javnu raspravu u trajanju od 90 dana.

Zadužuje se predlagač da prilikom izrade Prijedloga zakona uzme u obzir sve prijedloge, primjedbe i sugestije iznesene u raspravi, kao i one koje su dostavljene ili će biti dostavljene u pisanom obliku.

5. Nacrt Zakona o socijalnim uslugama u Federaciji BiH,

Sa 70 glasova za, dva glasa protiv i jedan uzdržani glas, usvojen je sljedeći:

Z A K L J U Č A K

Predstavnički dom Parlamenta FBiH prihvata Nacrt Zakona o socijalnim uslugama, te smatra da može poslužiti kao osnova za izradu Prijedloga zakona.

Zadužuje se predlagač da organizuje javnu raspravu u trajanju od 90 dana.

Zadužuje se predlagač da prilikom izrade Prijedloga zakona uzme u obzir sve prijedloge, primjedbe i sugestije iznesene u raspravi, kao i one koje su dostavljene ili će biti dostavljene u pisanom obliku.

6. Nacrt Zakona o posredovanju u zapošljavanju i socijalnoj sigurnosti nezaposlenih osoba,

Sa 52 glasa za, četiri glasa protiv i 11 uzdržanih glasova, usvojen je sljedeći:

Z A K L J U Č A K

Predstavnički dom Parlamenta FBiH prihvata Nacrt Zakona o posredovanju u zapošljavanju i socijalnoj sigurnosti nezaposlenih osoba, te smatra da može poslužiti kao osnova za izradu Prijedloga zakona.

Zadužuje se predlagač da organizuje javnu raspravu u trajanju od 90 dana.

Zadužuje se predlagač da prilikom izrade Prijedloga zakona uzme u obzir sve prijedloge, primjedbe i sugestije iznesene u raspravi, kao i one koje su dostavljene ili će biti dostavljene u pisanom obliku.

7. Nacrt Zakona o građanskoj inicijativi i zaštiti građana i aktivista Federacije BiH,
predlagači: Damir Nikšić i Sanela Klarić,

Sa 51 glasom za, 13 glasova protiv i osam uzdržanih glasova, usvojen je sljedeći:

Z A K L J U Č A K

Predstavnički dom Parlamenta FBiH prihvata Nacrt Zakona o građanskoj inicijativi i zaštiti građana i aktivista Federacije BiH, te smatra da može poslužiti kao osnova za izradu Prijedloga zakona.

Zadužuje se predlagač da organizuje javnu raspravu u trajanju od 90 dana.

Zadužuje se predlagač da prilikom izrade Prijedloga zakona uzme u obzir sve prijedloge, primjedbe i sugestije iznesene u raspravi, kao i one koje su dostavljene ili će biti dostavljene u pisanom obliku.

8. Nacrt Programa rada Predstavničkog doma Parlamenta Federacije BiH za 2024. godinu,

Na osnovu pojedinačnog izjašnjavanja, sa 51 glasom za, 13 glasova protiv i 17 uzdržanih glasova, usvojen je sljedeći:

Z A K L J U Č A K

Predstavnički dom Parlamenta FBiH prihvata Nacrt Programa rada Predstavničkog doma Parlamenta Federacije BiH za 2024. godinu, te smatra da može poslužiti kao osnova za izradu Prijedloga Programa rada.

Zadužuje se predlagač da prilikom izrade Prijedloga zakona uzme u obzir sve prijedloge, primjedbe i sugestije iznesene u raspravi, kao i one koje su dostavljene ili će biti dostavljene u pisanom obliku.

9. Nacrt Kodeksa ponašanja zastupnika u Predstavničkom domu Parlamenta Federacije BiH

Sa 51 glasom za, 25 glasova protiv i jednim uzdržanim glasom usvojen je sljedeći:

Z A K L J U Č A K

Predstavnički dom Parlamenta FBiH prihvata Nacrt Kodeksa ponašanja zastupnika u Predstavničkom domu Parlamenta Federacije BiH, te smatra da može poslužiti kao osnova za izradu Prijedloga Kodeksa.

Zadužuje se predlagač da prilikom izrade Prijedloga zakona uzme u obzir sve prijedloge, primjedbe i sugestije iznesene u raspravi, kao i one koje su dostavljene ili će biti dostavljene u pisanom obliku.

10. Prijedlog Odluke o pristupanju izradi Zoning plana urbanog područja Kulen Vakuf-Klisa za period od 10 godina

Sa 69 glasova za, bez glasova protiv i bez uzdržanih glasova, Predstavnički dom donio je Odluku o pristupanju izradi Zoning plana urbanog područja Kulen Vakuf-Klisa za period od 10 godina.

Odbor za prostorno uređenje, stambeno-komunalnu politiku, ekologiju i turizam predložio je zaključak. Sa 70 glasova za, bez glasova protiv i dva uzdržana glasa, usvojen je sljedeći:

Z A K L J U Č A K

Traži se izmjena člana 8. stav 2. Odluke, na način da u Savjet Zoning plana bude izabran i jedan član Odbora za prostorno uređenje, stambeno-komunalnu politiku, ekologiju i turizam Predstavničkog doma Parlamenta FBiH.

11. Prijedlog Odluke o pristupanju izradi Zoning plana urbanog područja Martin Brod za period od 10 godina,

Sa 74 glasa za, bez glasova protiv i jednim uzdržanim glasom, Predstavnički dom donio je Odluku o pristupanju izradi Zoning plana urbanog područja Martin Brod za period od 10 godina.

Odbor za prostorno uređenje, stambeno-komunalnu politiku, ekologiju i turizam predložio je zaključak. Sa 66 glasova za, bez glasova protiv i dva uzdržana glasa, usvojen je sljedeći:

Z A K L J U Č A K

Traži se izmjena člana 8. stav 2. Odluke, na način da u Savjet Zoning plana bude izabran i jedan član Odbora za prostorno uređenje, stambeno-komunalnu politiku, ekologiju i turizam Predstavničkog doma Parlamenta FBiH.

12. Godišnji izvještaj o rezultatima aktivnosti Institucije ombudsmena za ljudska prava Bosne i Hercegovine za 2023. godinu,

Predstavnički dom je razmatrao i primio k znanju Godišnji izvještaj o rezultatima aktivnosti Institucije ombudsmena za ljudska prava Bosne i Hercegovine za 2023. godinu

Komisija za zaštitu ljudskih prava i sloboda predložila je zaključak.

Sa 73 glasa za, bez glasova protiv i bez uzdržanih glasova, usvojen je sljedeći:

Z A K L J U Č A K

Predstavnički dom Parlamenta FBiH obavezuje sva federalna tijela na saradnju i provedbu preporuka Institucije ombudsmena za ljudska prava BiH.

13. Informacija o vanjskom i unutrašnjem dugu u Federaciji BiH na dan 31.12.2022. godine,

Predstavnički dom primio je k znanju Informaciju o vanjskom i unutrašnjem dugu u Federaciji BiH na dan 31.12.2022. godine.

14. a) Izvještaj o zaduženju Federacije BiH po osnovu emisije obveznica (aukcija

5.9.2023. godine – 5 Y – 40 mil.)

b) Izvještaj o zaduženju Federacije BiH po osnovu emisije obveznica (aukcija 26.9.2023. godine – 7 Y – 40 mil.)

c) Izvještaj o zaduženju Federacije BiH po osnovu emisije obveznica (aukcija 30.10.2023. godine – 6Y – 30 mil.)

d) Izvještaj o zaduženju Federacije BiH po osnovu emisije obveznica (aukcija 17.10.2023. godine – 5 Y – 30 mil.)

Predstavnički dom primio je k znanju Izvještaj o zaduženju Federacije BiH po osnovu emisije obveznica (aukcija 5.9.2023. godine – 5 Y – 40 mil.), Izvještaj o zaduženju Federacije BiH po osnovu emisije obveznica (aukcija 26.9.2023. godine – 7 Y – 40 mil.), Izvještaj o zaduženju Federacije BiH po osnovu emisije obveznica (aukcija 30.10.2023. godine – 6Y – 30 mil.) i Izvještaj o zaduženju Federacije BiH po osnovu emisije obveznica (aukcija 17.10.2023. godine – 5 Y – 30 mil.)

17. Zaključci Odbora za boračka i invalidska pitanja

Sa 66 glasova za, dva glasa protiv i bez uzdržanih glasova, usvojen je sljedeći:

Z A K L J U Č A K

Predstavnički dom Parlamenta Federacije BiH predlaže Vladi Federacije BiH i resornom Ministarstvu da po skraćenoj proceduri predlože Parlamentu Federacije BiH izmjene člana 1. Zakona o posebnim pravima dobitnika ratnih priznanja i odlikovanja i članova njihovih porodica („Službene novine Federacije BiH“, broj: 70/05, 9/10, 90/17, 29/22), gdje se prekluzivni rok briše.

Sa 66 glasova za, jednim glasom protiv i bez uzdržanih glasova, usvojen je sljedeći:

Z A K L J U Č A K

Predstavnički dom Parlamenta Federacije BiH poziva Vladu Federacije BiH da u roku od 30 dana donese Uredbu o utvrđivanju kriterija, načinu i postupcima za dodjelu Medalje otpora.

Sa 72 glasa za, bez glasova protiv i bez uzdržanih glasova, usvojen je sljedeći:

Z A K L J U Č A K

Predstavnički dom Parlamenta Federacije BiH poziva Vladu Federacije Bosne i Hercegovine da u što kraćem roku a najduže 60 dana u parlamentarnu proceduru uputi izmjenu i dopunu Zakona o prijevremenom povoljnijem penzionisanju boraca odbrambeno-oslobodilačkog rata na način da iz postojećeg Zakona se briše član 14. stav 3., odnosno da se ukloni rok od 1.12.2013. godine kao rok za podnošenje zahtjeva.

Sa 70 glasova za, bez glasova protiv i bez uzdržanih glasova, usvojen je sljedeći:

Z A K L J U Č A K

Predstavnički dom Parlamenta Federacije BiH traži od Vlade Federacije BiH da formira komisiju čiji bi sastav činili članovi Odbora za boračka i invalidska pitanja Predstavničkog doma Parlamenta FBiH, predstavnici Ministarstva za pitanje boraca i invalida odbrambeno-oslobodilačkog rata, te predstavnici Saveza boraca FBiH, Saveza HVO i Kamp branitelja. Ova komisija bi imala zadatak pripremiti izmjene i dopune Zakona o pravima demobilisanih boraca i članova njihovih porodica

(„Službene novine Federacije BiH“, broj: 54/19 i 29/22) u dijelu koji se odnosi na uspostavljanje boračkog dodatka, s ciljem da Zakon bude u potpunosti provodiv.

15. Informacija sa proširene vanredne sjednice Komisije za ravnopravnost spolova Predstavničkog doma Parlamenta FBiH,

Predstavnički dom primio je k znanju Informaciju sa proširene vanredne sjednice Komisije za ravnopravnost spolova Predstavničkog doma Parlamenta FBiH.

Pod tačkom 16. Izbori i imenovanja nije bilo materijala za razmatranje.

Predsjedavajući je zaključio rad 12. redovne sjednice u 23.13.

Transkript i prijepis transkripta čine sastavni dio ovog Zapisnika.

SEKRETAR
PREDSTAVNIČKOG DOMA
PARLAMENTA FEDERACIJE BIH

Ivan Miličević

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BIH

Dragan Mioković

